



Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA NOVI GRAD SARAJEVO**

Na osnovu člana 18. Statuta Općine Novi Grad Sarajevo ( Sl. novine Kantona Sarajevo broj 01/24), član 119. i 120. Poslovnika o radu Općinskog vijeća Općine Novi Grad Sarajevo ( Sl. novine Kantona Sarajevo broj 40/13, 10/15 i 13/20), Strategije razvoja Općine Novi Grad Sarajevo 2021-2027.godine (Službene novine Kantona Sarajevo broj:26/22), Nacrta Programa rada Općinskog vijeća za 2025. godinu, Općinsko vijeće Novi Grad Sarajevo na 4. sjednici održanoj 27.02.2025. godine utvrđuje:

**NACRT PROGRAMA 27.TRADICIONALNE MANIFESTACIJE  
“NOVOGRADSKI DANI 2025”**

U skladu sa Nacrtom Programa rada Općinskog vijeća Novi Grad Sarajevo za 2025. godinu i Programom rada Službe za obrazovanje, kulturu i sport pripremljen je Nacrt programa 27. tradicionalne manifestacije „Novogradski dani 2025“, manifestacije koja se održava u periodu od 30.05. do 30.06.2025. godine, u trajanju od mjesec dana.

Općina Novi Grad Sarajevo, kao i prethodnih godina, u okviru tradicionalne kulturno-sportske manifestacije „Novogradski dani“, nastoji ponuditi raznovrstan i bogat program namjenjen građanima Općine Novi Grad Sarajevo, kao i ostalim posjetiteljima.

Program tradicionalne kulturno-sportske manifestacije „Novogradski dani“ sastoji se od programskih cjelina/sadržaja kako slijedi: :

- kultura i umjetnosti,
- sport
- obilježavanje značajnih događaja, datuma i ličnosti

**1. KULTURA I UMJETNOST**

Predloženim Nacrtom Novogradskih dana nastoji se ponuditi građanima sadržajan i raznovrstan program kulturnih i umjetničkih događaja, uključujući koncerte, pozorišne predstave, književne večeri, izložbe i folklorne festivale, namijenjene svim generacijama. Analizirajući dosadašnju zainteresiranost i posjećenost, evidentirano je da su najposjećeniji koncerti zabavne, tradicionalne i duhovne muzike, festivali folklora, pozorišne predstave, druženja penzionera, defile maturanata, kao i sadržaji u okviru Porodičnog dana.

Realizacija programskih sadržaja planirana je na različitim lokacijama širom Općine, sa posebnim fokusom na Centar za edukaciju, sport i rekreaciju „ Safet Zajko“, Multimedijalnu salu Općine kao i Centar za kulturu i edukaciju Safet Zajko.

## **1.1. MUZIČKI PROGRAM/ KONCERTI**

- Koncert zabavne muzike
- Koncert tradicionalne muzike/sevdalinke
- Koncert klasične muzike/ horske muzike
- Koncert duhovne muzike

## **1.2. FOLKLOR I PLES**

- Večer folklor
- Večer plesa

## **1.3. KNJIŽEVNOST I PROMOCIJA KNJIGE**

- Književne večeri
- Promocija knjige
- Druženje s piscima
- Književni kutak za djecu

## **1.4. IZLOŽBE**

- Umjetnička postavka u izložbenom prostoru Općine Novi Grad Sarajevo
- Umjetnička postavka u Centru za kulturu i edukaciju „Safet Zajko“

## **1.5. PREDSTAVE I FILMSKI PROGRAM**

- Pozorišna predstava
- Pozorišna predstava za djecu
- Dan otvorenih vrata Kina Novi Grad

## **1.6. PROGRAMSKI SADRŽAJI ZA SVE GENERACIJE**

- Programi i aktivnosti „Manifestacija za cijelu porodicu – Porodični dan
- Dan otvorenih vrata Centra za kulturu i edukaciju „Safet Zajko“
- Defile maturanata novogradske osnovne škole
- Dan novogradske osnovne škole – smotra kulturno-umjetničkog stvaralaštva, izložba radova i djela nastavne aktivnosti
- Druženje sa penzionerima uz prigodan kulturno-zabavni program
- Kviz znanja za novogradske učenike (Novogradska sveznalica)

## **1.7. INOVATIVNI DOGAĐAJI I LOKALNA PONUDA**

- Izložba elektronskih vozila
- Izložba kreativnih radova

## **2. SPORTSKA TAKMIČENJA I MANIFESTACIJE**

U okviru programskih sadržaja iz oblasti sporta, organizira se niz sportskih događaja i manifestacija osmišljenih da ponude široku lepezu sportskih takmičenja, od lokalnih, državnih i međunarodnih turnira, takmičarskog, rekreativnog i revijalnog karaktera. U takmičenjima učestvuju sportski klubovi i

udruženja sa područja Općine novi Grad Sarajevo, novogradske škole, udruženja osoba s invaliditetom i drugi subjekti.

Prilikom organizacije sportskih aktivnosti i takmičenja poštovat će se načelo zastupljenosti muških i ženskih sportskih programa, kao i programa namjenjenih osobama sa invaliditetom. Predlaže se da se u sportski dio programa uvrste takmičenja ili turniri iz slijedećih oblasti :

## **2.1. PARAOLIMPIJSKI SPORTOVI**

- Turnir u sjedećoj odbojci
- Turnir košarka u kolicima

## **2.2. NOGOMETNI TURNIRI**

- Fudbalski turnir
- Malonogometni turnir

## **2.3. ODBOJKAŠKI, KOŠARKAŠKI I RUKOMETNI TURNIR**

- Turnir u košarci i
- Street basket
- Turnir u odbojci
- Turnir u odbojci na pijesku
- Rukometni turnir

## **2.4. BORILAČKI SPORTOVI**

- Turnir karatea
- Bokserski turnir
- Kick boks turnir
- Taekwondo turnir

## **2.5. SPORTSKI MITINZI**

- Atletski miting
- Plivački miting

## **2.6. OSTALA SPORTSKA TAKMIČENJA**

- Ritmička gimnastika
- Tenis
- Stoni tenis
- Šah
- Streljaštvo
- Takmičenje u jahanju/konjičke trke
- Sportski ribolov
- Igre mladih
- Sportski ples
- Biciklizam

Prijedlozi za realizaciju sportskih programa i organizaciju istih bit će ocijenjeni prema sljedećim kriterijima

- Iskustvo i kontinuitet u organizaciji sportskih takmičenja

- Kvalitet programa
- Broj prijavljenih ekipa/takmičara
- Resursi, kapacitet i planirana finansijska sredstva
- Mjesta za organiziranje
- Promocija i afirmacija lokalne i šire društvene zajednice
- Učešće ekipa/takmičara iz drugih općina, gradova i regija
- Uključenost različitih ciljnih skupina (djece, omladine, osjetljivih kategorija stanovništva, lica treće životne dobi)
- Posjećenost prethodnih manifestacija

### **3. OBILJEŽAVANJE ZNAČAJNIH DOGAĐAJA, DATUMA I LIČNOSTI**

U skladu sa Programom obilježavanja događaja, datuma i ličnosti iz perioda Odbrambeno-oslobodilačkog rata 1992 - 1995. godina i datuma i događaja iz perioda Narodno-oslobodilačkog rata 1941 - 1945. godina na području Općine Novi Grad Sarajevo, nastoji se na primjeren i dostojanstven način odati počast šehidima i poginulim borcima, poginulim građanima, obilježiti se značajni datumi u odbrani te na taj način ukazati poštovanje porodicama šehida i poginulih boraca posjetama mjesta pogibije i stradanja građana BiH i istaknutih patriota .

Tradicionalna manifestacija Novogradski dani obuhvaća obilježavanje slijedećih značajnih datuma i događaja kako slijedi:

- 01.06. - Obilježavanje dana kada je agresorska granata na Bajramskom turniru na Dobrinji usmrtila 15 i ranila više od 100 građana
- 02.06. - Obilježavanje dana pogibije i stradanja mještana Dobroševića, Ahatovića i Bojnika građana i dan formiranje prvog logora u Rajlovcu
- 04.06. – Obilježavanje godišnjice pogibije braće Kadić, patriota, boraca i istaknutih sportista.
- 08.06. – Dan odbrane Općine Novi Grad Sarajevo i bitke za brdo Žuč
- 10.06.- Dan Patriotske lige i Zelenih beretki
- 11. 06. Obilježavanje bitke za vodovod Mojnilo, pogibije Nadira Kafedžića i saboraca, odbrane kote 680
- 12.06. – Obilježavanje godišnjice pogibije Safeta Isovića, Salke Muraspahića i oslobađanja Mijatović kose
- 14.06. – Obilježavanje pogibije 48 boraca i mještana iz Ahatovića u mjestu Sokolina i 18 boraca u Ahatovićima lokalitet Ranovača
- 17.06.- Obilježavanje dana pogibije komadanta Safeta Zajke
- 17.06. – Dan logoraša Općine Novi Grad Sarajevo
- 21.06. – Obilježavanje dana odbrane Dobrinje i Aerodromskog naselja
- 24.06. – Obilježavanje dana pogibije Muzafera Mešića i Derviša Vražalice

#### 4. JAVNA RASPRAVA

Usvajanju Programa „Novogradski dani 2025“ prethodi javna rasprava o Nacrtu programa 27. tradicionalne manifestacije „Novogradski dani 2025“ u trajanju od 21 dan.

Učesnici javne rasprave su: radna tijela Općinskog vijeća, općinske službe, mjesne zajednice, klubovi općinskih vijećnika, politički subjekti koji učestvuju u radu Općinskog vijeća, nevladine organizacije, kulturno-obrazovne institucije i druge zainteresovane organizacije, pravna lica i građani.

Prijedloge, inicijative i mišljenja dostavljene u periodu trajanja javne rasprave, razmorit će nadležno radno tijelo/organizacioni odbor vodeći računa o kvalitetu i značaju predloženih programa, te sačiniti prijedlog Programa 27. tradicionalne manifestacije „Novogradski dani 2025“ i dostaviti ga na razmatranje Općinskom vijeću.

Prijave, inicijative i mišljenja u vezi s Nacrtom programa 27. tradicionalne manifestacije "Novogradski dani 2025" mogu se podnijeti u roku od 21 dan od dana objave na web stranici Općine Novi Grad Sarajevo. Prijave se mogu dostaviti:

- Putem protokola Općine Novi Grad Sarajevo, radnim danima od 8 do 18 sati.
- Putem protokola u Centru za komunalne usluge Dobrinja, od 8 do 16 sati.
- Poštom na adresu: Općina Novi Grad Sarajevo, Služba za obrazovanje, kulturu i sport, Bulevar Meše Selimovića br. 97. sa naznakom "Javna rasprava Nacrta programa 27. tradicionalne manifestacije 'Novogradski dani 2025'".
- E-mailom na adresu: [kultura@novigradsarajevo.ba](mailto:kultura@novigradsarajevo.ba).
- Sve dodatne informacije mogu se dobiti u Službi za obrazovanje, kulturu i sport putem kontakt telefona: ++387 33 29 13 25.